

INUIT ATAQATIGIIT

INATSISARTUNI



Nuuk, 14. marts 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartunut ilaasortaq Sara Olsvig, Inuit Ataqtigiiit)

Apeqqutit:

- 1. Ukiumoortumik naatsorsuusiortarnermut inatsisip nutarterniarneqarnera pillugu suliaq sumut killippa?**
- 2. EU-mi ukiumut naatsorsuusiortarneq pillugu inatsit, pineqartorlu Kalaallit Nunaannut atortuulersinneqaratarsinnaanera pillugu Naalakkersuisut danskulu naalakkersuisuisa akornanni oqaloqatigiissutigineqartut Naalakkersuisunit itisilerneqarsinnaanerlutik?**

Tunngavilersuut:

EU-p ukiumoortumik naatsorsuutitut inatsisaat Kalaallit Nunaanni atortuulersinneqarnissaanut upernaakkullu ataatsimiinnermi oqaluuserisassani immikkoortoq 79-imi siunnersuutigineqartumut tunngatillugu, Naalakkersuisut siullermeerneqarnissaanut atatillugu imatut akissuteqarput; *"Piffissami matumani Naalakkersuisut Erhvervs- og Vækstministerqarfimmik ilaatigut ukiumoortumik naatsorsuusiortarnermut inatsisip nutarternissaanut tunngasumik oqaloqatiginnereerpoq. Siunnersuuteqartutuulli nunatsinni suliffeqarfiit ullutsinnut naleqquttumik inatsisilersornissaat Naalakkersuisut pingaartuutippaat. Tamanna pillugu siunnersuut ingerlatat nalinginnaasut naapertorlugit suliarineqareeruni, aammalu tusarniaassutigineqareeruni Inatsisartunut saqqummiunneqarumaarpoq."*

Oqaluuserisassani immikkoortoq pineqartoq Inatsisartunit oqaluuserineqalertinnagu taamaammatt suliaq sumut killissimanersoq pillugu paasissutissinneqarnissaq pingaarteqarpoq.

Apeqqutigineqartut ullut suliffiusut qulit qaangiutsinnagit akineqareersimanissaat kissaatigaara.